

7. farel. Guillaume: / Epistre
au Duc de Lorraine
a Geneve, 1543.

8. Melanthon / phil. / de
l'office des Princes, d'
oster les abus de l'Eglise,
a Geneve 1544.

9. traite' que doit faire
un homme fidele, con-
naissant la verite' de l'
Evangile, a Geneve, 1544.

10. avertissement du pro-
fit a la chrestiente, en
faisant Inventoire de
tous les Reliquies,
a Geneve 1544.

11. farel. Guill: / Epistre
exhortatoire a tout
ceux qui ont conneu
l'Ante' de l'Evangile,
a Geneve 1544.

12. ——— Epistre envoye'
aux Reliquies de l'Anti-
christ, a Geneve, 1544

1. Traité du Purgatoire
à Geneve, 1543.

2. Epistre du Roy d'
Angleterre aux Princes
Chrestiens, touchant
le Concile de Vincenne
1539.

3. La protestation du
Roy d'Angleterre
touchant le Concile
de Mantue, 1539

4. Calvin (Jean)
Quatre Comment
Notrer seigneur
Jesu Christ et la
fin de la Loix.

1543
14. Vicet / P. /
Epistre pour consoler
les fideles qui souffrent
1543

7. Farrell. B. H.

16 Me

10

11

12

A

LA MANIE. RE D'APPRENDRE la Theologie.

Par M. Philippe Melanchthon.

CEM MITTERE,
SED GLADIUM.
NON VENI PACEM
SED GLADIUM.



Ian 5.

Cherchez les Escritures . ce sont elles
qui portent tesmoignage de moy.

1544.

*Herrmanni Vultejil
Johannis Christophorus Vultejil
ex donatione patris sui Hermann*



L A M A N I E

R E D A P P R E N D R E

la Théologie.

Par M. Philippe Melancthon.

DEM MITTLER.

SED



NON AEMI BY

HB 154 113

Cherchez les Ecritures. ce sont elles
qui portent témoignage de moy.

1544

[Faint handwritten text, likely a signature or date]

LA MANIERE D'AP- PRENDRE LA Theologie.

DVcōmancement il te faut faire
cela. que le texte de la Bible te
soit familier . Auquel affaire mon
cōseil est, que le matin apres que tu
es leué, & le vespre quand tu te vou-
dras aller coucher, tu lises, comme
par maniere d'oraison, vn ou deux
chapitres . Ainsi faut lire toute la
Bible par ordre, & si tu rencontres
quelque lieu obscur, il faut cher-
cher vn interpreteur.

Et ensemble, en passant il faut
cueillir les principales sentences,
lesquelles il faut disposer en lieux
communs, qui contiennent la som-
me de la doctrine Chrestienne . I'ay
baillé par escrit en quelque lieu le
denombrement de telz lieux, & se

7.7
peuent prendre de mes lieux com-
muns.

est, vne
riene
aniere
enfei-
ner.

En apres faut mettre peine, de re-
tirer grossièrement quelque metho-
de, en laquelle soit la somme de
la doctrine Chrestienne. Et à icel-
le faut accommoder l'Epiistre de S.
Paul aux Romains.

Car icelle est quasi la methode
de tout l'Escripture. car elle dispu-
te de la iustification, de l'usage de
la loy, de la difference de la loy &
del'Euangile. lesquelz sont les prin-
cipaux lieux de la doctrine Chre-
stienne.

Combien aussi que Christ
baille la methode par ces parolles,
quand il commande qu'on preche
penitence & remission des pechez.
Car là il comprend penitence ou
crainte ou contrition, & foy laquel
le croit que ses pechez luy sont
remis.

Prens

Prends toy donc quelque certaine
heure, ou sil te plait deux, pour li-
re l'Espistre au Romains. Il faut
icy penser diligemment toutes les
sentences, & faut cōsiderer que c'est
qui se peut dire d'un costé & d'au-
tre. Et faut chercher la certaine
sentence de Paul. il faut se prendre
garde de l'ordre des argumens, &
des propositions. Auoir leu ceste
epistre, apres faut prendre entre les
mains l'epistre aux Galatiens avec
le commentaire, lequel aussi est com-
me vne methode.

Apres ceste cy il faut lire l'Epi-
stre aux Colossiens avec mon com-
mentaire, auquel aussi i'ay voulu
comprendre les lieux principaux.
Je commanderois aussi qu'on leust
mes lieux communs, mais il y a be-
aucoup de choses rudes en iceux, Ce qu'il
a fait.
que i'ay deliberé de changer. Tou-
esfois on peut facilement entendre

7.2
deme Colossiens, que c'est qui m'y
deplait, ou i'ay mitigué quelques
lieux.

Ces choses diligemment leues, tu
auras quasi la somme de la doctri-
ne Chrestiene. Desia donc les au-
tres Epistres de saint Paul, se pour-
ront entendre. car souuentefois
il enseigne vne mesme chose.

Puis apres faut lire l'Euangile de
Matthieu ou de Luc. Et icy faut
voir comment il faut accommoder
toutes choses, & enclorre en ces
lieux communs. Là ou Christ par-
le de penitence ou de crainte. Ou
il parle de la foy, d'oraison, de cha-
rité, des choses externes ou ciuiles,
des magistratz, des traditions hu-
maines, des sacremens, ou il sepa-
re la loy de l'euāgile, l'euāgile de la
prudēce politique, ou il parle de la
croix, ou il recōmande le ministere
de la parole, ou il descrit l'Eglise.

En

En apres faut lire l'Euangile de
Ian, lequel contient la plus grande
partie des sermons de Christ, de la
foy, & de la iustification.

Aussi faut ordonner vn liure des
articles de la foy, de la Trinité, de
la creation, des deux natures de
Christ, du peché originel, du libe-
ral arbitre, de la iustice de la foy,
de l'Eglise, des clefz. Cestuy sera
quasi semblable à des lieux com-
muns. Mais tant seulemēt doit brie-
uement contenir les sentences que
prenent les articles ou les enseigne-
mens. ainsi que i'ay commencé vn
liure, duquel tu peux demander
l'exemplaire à ceux qui l'ont ouy.

Après que tu es ainsi préparé au
nouveau Testamēt, il faut aussi con-
gnoistre le vieux. Et faut prendre
entre les mains quelque certain li-
ure, lequel on lise diligemment.

Je voudrois du commencement

7.
qu'on leust Genese avec declaratiō,
puis apres Deuteronomie avec expo
sition, en apres le Psautier. Et en i
ceux faut d'iligemment voir, & com
ment ces choses conuiennent à ces
lieux communs, qui contiennent la
somme de la doctrine Chrestienne.
Car en ces liures, la doctrine de la
foy, de la crainte, de la croix est sem
blable à celle qui est en l'Euangile.
Non seulement faut cueillir les sen
tences des meurs, mais y faut cher
cher quelque chose plus grande,
c'est à sauoir, la doctrine de la pre
miere Table, de la crainte de Dieu,
de la foy ou fiance, & iustice enuers
Dieu. Il faut chercher les promesses,
& menaces.

Ces choses à lors se pourront enten
dre, quand quelque vsage en la vie
y sera aiousté, quand la tentation
exercitera l'entendement & con
traindra de prier. Iamais les occa
sions

hions de prier ne nous defaillent.

Mais il faut separer diligemment les pseumes. Les vns cōtiennent propheties. les vns sōt tant seulement oraisōs. les vns cōtiennent les cōmādemens. les vns cōtiennent promesses. Iceluy cōsiderera facilement ces genres, qui est mediocrement sauāt aux lettres cōmunes: & saura cōment il les faut remettre aux lieux cōmuns, desquelz i'ay parlē cy dessus.

A pres le psautier, il faut lire les prophetes avec declarations, comme Ionas, zacharias, &c. tu voirras là comment l'auteur d'icelles transporte toute la chose à ces lieux communs, desquelz i'ay cy dessus parlē. Il profitera aussi de conferer les autres interpreteurs, à fin que tu voyes cōbien sont ineptes ceux là, qui n'ont pas sceu ramener la chose à ces lieux, de la foy, &c.

En apres celuy qui voudra lire les

7.
autres prophetes, il les entendra facilement. Car il saura que en partie ilz reprenent les pechez, ou qu'ilz enseignent la loy, en partie qu'ilz prophetisent de Christ, ou enseignent l'Euangile, & consolent les consciences.

Toutefois il referera toutes choses ou à la doctrine de penitence, ou de la foy ou fiance en Dieu, ou de la croix, ou des autres lieux prochains. mais il sera aydé de quelque chose en iceux par Hierome, quelque peu par Lira, lequel est assez diligent en l'histoire.

Et qui saura rapporter toutes choses aux lieux cōmuns, il n'est ia besoing à celuy de chercher plusieurs sens. Qu'il face plustost cela, qu'il arreste quelque certaine sentēce, laquelle puisse enseigner certainemēt la cōscience, de la voluntē de Dieu. Car il faut acquerir cōgnois-
san-

fance & pour l'usage & pour les tentations. Car il n'en faut pas fouiller de ces allegories pleines de moquerie, ausquelles Origene se delecte.

En lisant les sacrées histoires, premieremēt faut obseruer la difference de la loy & de l'Euangile. & fauoir la congnoissance de la liberté Chrestienne. à fin que nous ne songions qu'il nous faille ensuyure toutes leurs œuures. Mais il faut separer diligēment la foy des œuures. Il faut ensuyure la foy de Dauid, d'Ezechias, & de semblables. Les œuures ne peuvent pas estre semblables, mais vn chacun a les sciences selon la vocation d'vn chacun. Donc il faut regarder tousiours en son entendement les principaux lieux, penitence & foy, ou crainte & foy, lesquels Christ nous prise, quād il commande de precher penitence & remission des pechez. Aussi il faut

7
elire les exemples politiques qui en-
seignent quelz doiuent estre les offi-
ces des Magistratz.

Il ne faut pas mepriser le cōpte des
temps, & les autres choses que les
Grammairiens ou Rhetoriciens cō-
mandent qu'on obserue. Ce pen-
dant, quand tu lances ainsi la Bi-
ble, aucunes fois faut lire quelque
chose d'Augustin. Car iceluy
est beaucoup plus excellent que les
autres anciens. Principalement en
cela qu'il a escrit contre les Pelagi-
ens, de l'esprit & la letre. pareille-
ment contre Iulien.

Il faut regarder aucunes fois Hie-
rome, & les autres, & obseruer que
c'est qui leur defaut, & en quelle par-
tie ilz ont pouoir. car ilz contien-
nent beaucoup de choses, lesquelles
le lecteur prudent ne meprisera
pas. combien qu'ilz ayent touché
legerement la doctrine de la iusti-
ce

ce de la Foy.

Aussi faut lire les anciens Canons, à fin que nous sachions ce qu'a arresté l'Eglise. Il faut choisir ceux qui s'accordent à l'Evangile. Il en y a beaucoup de politiques, des ordonnances des coustumes ecclesiastiques. Il faut declairer pourquoy ilz ont esté faictz, à fin qu'on les prene ainsi que les autres loix humaines, ou qu'on n'attribue point à ces coustumes qu'elles meritent iustice deuant Dieu.

En apres faut observer diligemment en toute la doctrine ecclesiastique, quelle partie appartient proprement à la vie spirituelle, quelle partie enseigne de la conseruation ciuile, & des choses politiques. Il faut sauoir que c'est qui appartient au docteur del'euangile. Et faut separer loing la doctrine de l'Euangile, de la politique. Toutesfois il

ne faut pas reprouuer les choses politiques, ains les honorer comme les autres bonnes creatures. Et pource qu'il auient souuentefois qu'il faut defendre ce qui est arresté entre les Chrestiens, prepare toy aussi à cela.

Il faut employer quelque peine aux letres humaines, & exercer le style, à fin que quād il sera besoing nous puissions clairement declarer les debatz de la Religion. Et profite aucunesfois de prendre quelque debat, & l'escrire, à cause d'eueiller & exercer le iugement. Mais ce tēps nous fournit de beaucoup d'arguments. Tu peux confuter les Anabaptistes, lesquelz debatent qu'il faut laisser les richesses, & les apporter en commun. Pareillement qu'il ne faut pas iurer quand le Magistrat le commande. Semblablement que nous ne sommes pas iustes par
la

la foy, mais par noz afflictions.

Aussi est besoing de la congnoissance des langues, pour parfaitement entendre les escritures, & confuter les heretiques. Car beaucoup de debatz se peuvent iuger, apres auoir bien congneu la nature du langage & des figures.

Toutefois personne ne pourra iuger de la nature du langage, sinon qu'il ait leu les escritz des hommes eloquens, de Cicero, Liue, Vergile, Terence, Ouide, Quintilien. aussi y faut aiouster les Grecz, Homere, Herodote, Demosthene, Lucien. Avec ce, le style ou l'exercice d'escrire y soit aiousté. laquelle chose aiguisé principalement le iugement. Si le Theologien veut prédre quelque chose de la philosophie ou du droit, qu'il regarde qu'il ne melle pas sottement la doctrine spirituelle avec la politique.

Outreplus il est besoing de la Dialectique, tout ainsi que de la Grammaire & Rhetorique. Car elle est ainsi coniointe avec icelles, qu'elle ne peut estre arrachée d'elles.

Toutefois, ie desirerois que les Theologiens ne meprisassent la Philosophie. car d'aucuns blasment les autres artz, combien qu'ilz ne les connoissent point. que silz les cōnoissent, ilz les estimeroyent d'avantage. mais là il faut grandement se donner garde, que la doctrine Chrestienne & la philosophie ne soyent sottement confondues. Parquoy il faut sauoir leurs régions & distâces. Ie iuge le semblable des disputes des Iuriconsultes, lesquelles sera aucunefois utile de regarder.

FIN.

